



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 561 Usque Ad Annum 633

**Fleury, Claude**

**August. Vind. [u.a.], 1759**

**VD18 90117832**

§.48. Res Hispaniæ.

---

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

pturam intelligere, sed extrema senectute Sæculum VII  
 gravem esse, & adeo parcum tenacemque, A. C. 603.  
 ut nunquam amicus cum ipso pransurus in  
 domum ejus pedem inferat; præterea eun-  
 dem juramento coram Sanctis Evangeliiis  
 se obstrinxisse, nunquam Episcopatum ac-  
 cepturum. Rusticum Diaconum dicunt  
 esse virum vigilem, sed Psalmos ignorare.  
 Florentium scimus esse diligentissimum,  
 sed mentis ejus interiora non perspeximus.  
 Itaque Anconam cum Fratre nostro Ar-  
 menio ejusdem Ecclesiæ Visitatore cito  
 te conferas, & omnia exacte perquiras. Si  
 Florentius eligitur, consensus ipsius Epis-  
 copus petatur, quem tamen vi Mandati  
 nostri non det, ne invitus acquiescere vi-  
 deatur. Hic videmus, quanta S. Gre-  
 gorii fuerit attentio, ne quemquam Fra-  
 trum suorum offenderet.

## §. XLVIII.

*Res Hispanice.*

Episcopis Hispaniæ duobus, Januario  
 Malacano & Stephano alterius Eccle-  
 siæ Episcopo, apud S. Gregorium quere-  
 lam moventibus, quod vi & injuria Sedi-  
 bus suis pulsî fuissent, in ipsa loca misit  
 Joannem Defensorem, tanquam S. Sedis  
 Delegatum utramque Causam judicatu-  
 rum; dedit quoque Mandata, præscri-  
 bens, quid agere deberet. In illis dicit:  
*Si nemo contra Januarium Episcopum cri-* XI. ep. 52.



Saeculum VII A. C. 603. *men probaverit, Sedi suæ restitatur, & qui contra ipsum ordinatus est, omni Ministerio Ecclesiæ privatus in ejus manus tradatur, quem carceri mancipet, vel hoc ad nos mittat. Episcopi, qui ipsius Ordinationi adfuerunt, ad sex menses Communionem Corporis & Sanguinis Domini Nostri priventur, & in Monasterio penitentiam agant; si vero in mortis periculum incidant, Viaticum eis non denegetur. Si dicant Episcopi, consensum suum ad hanc Dispositionem metu Potestatis Sacularis fuisse extortum, de Penitentia tempore aliquid dematur. Si ille, qui Sedem Januarii usurpavit, defunctus fuerit, & alius ei fuerit successus, minor est hujus culpa, quia mortuo successisse videtur. Talis in alia Ecclesia vacante eligi poterit, & a sola Sede Malacana ita excludetur, ut nullo tempore illam repetere possit. Comitibus (is est ille Magistratus, contra quem mota fuerat Actio) cogetur ad reparandum omne damnum, quod Januarius Episcopus ob vim sibi illatam passus est, & quantum illud fuerit, Episcopo juramento affirmantis fides adhibeatur.*

*In Causa Stephani Episcopi imprimè attendendum, an Sententia secundum Canones fuerit pronunciata. An alii fuerint Testes, alii Accusatores, an præstito juramento, & Reo præsentem accusationem protulerint, an acta fuerint scripta, an defensionem*



*ensionis locus & libertas data. Exami-* Sæculum VII  
A. C. 603.  
*nandum quoque, quinam sint Accusatores*  
*& Testes, qualis eorum vita, conditio,*  
*fama. An non sint homines ultimæ fæ-*  
*cis, aut aliunde Reo infensi, an audita re-*  
*ferant, vel ea, quæ certo sciunt, an Sen-*  
*tentia duabus Partibus præsentibus fue-*  
*rit promulgata. Si de quibusdam Accu-*  
*sationis Articulis non fuit pronunciatum,*  
*attendendum est, an illi Articuli inter*  
*ceteros sint levissimi, vel gravissimi. Re-*  
*liqua sunt illis similia, quæ de Causa Ja-*  
*nuarii retulimus. At istæ Judicii Eccle-*  
*siastici Regulæ sunt omnino attentione*  
*dignissimæ.*

In altero Mandato Joanni Defensori  
 tradito continebantur Excerpta ex multis  
 Legibus, quibus ea, quæ Juris sunt cir-  
 ca præcipuos negotii ipsi commissi Arti-  
 culos definiebantur; scilicet, Presbyte-  
 rum a nemine nisi ab Episcopo suo judi-  
 cari oportere, Episcopo vim inferre in  
 Ecclesia sua esse crimen capitale & publi-  
 cum, sicut crimen læsæ Majestatis; Epis-  
 copum invitum non posse in Judicium  
 trahi coram Judice Laico, nec ab Epis-  
 copis alterius Provinciæ judicari. Dein-  
 de in illo Mandato hæc leguntur: *Si*  
*quis objiciat, quod Episcopus Stephanus*  
*nec Metropolitanam nec Patriarcham ha-*  
*buerit, respondendum, ipsum, sicut petiit,*  
*a Sacra Sede, quæ omnium Ecclesiarum*  
 Caput

XI. ep. 56.



**Sæculum VII** *Caput est, fuisse judicandum.* His mandatis addita erat Sententia Januario Episcopo favens, qua innocens pronuntiatur, & Episcopi, qui eum condemnaverant, cum Episcopo in ejus Sedem intruso secundum priora mandata damnatur. Hæc Acta inter epistolas anno 603, datas leguntur.

A. C. 603.  
XI. epist. 55.

§. XLIX.

*Reccaredi & S. Leandri obitus.*

**T**ot mala in Ecclesiis Hispaniæ, & Episcoporum vilipensio originem traxisse videntur ex Seditionibus, quæ secuta sunt decessum Regis Reccaredi; is enim Toleti anno Regni sui decimo quinto æra 639. idest, anno JESU CHRISTI 601. obiit, postquam in Pace & Gloria, reducto ad Religionem Catholicam Populo suo, regnasset, Princeps lenis & humanissimus, cujus vel solus aspectus etiam malos ad amorem invitabat. Ecclesiis & privatis fundos reddidit, quos Patet ejus usurpaverat, & Fisco addixerat, sæpe imperata populis tributa condonavit, ut ceteras largitiones & elemosynas silentio prætereamus. Vitam sancte clausurus in Spiritu Pœnitentiæ Fidem publice professus est. Ita de eo loquitur S. Isidorus, qui S. Leandro Fratri suo in Sede Hispalensi novissime successerat. S. Leandri Memoriam Ecclesia 27. Febr. co-

*Isid. Ch. Sup.*  
XXXIV. n. 55

*Id. illust. c. 28*  
*Martyr. R.*  
7. Febr.